

ХАНТЫ ЯСАНГ

Ханты-Мансийской автономной округ мир депутатат Совет газета

Этп 1 ноябрь 1997 ол вуш эвалт. СУББОТА 3 АВГУСТ 1991 ОЛ № 31 [2280] Тынал 6 вух.

ХУТЫСА МАНСАТ ВЕРАТ ХОСЮМ ОЛШОП МАР

25 июль тыласян вос слшоп волум верат охтыин мирхот. Сята скр-исполжсн нося Александр Васильевич Филиппенко путертас муй вуран мансат иса тахетан верат.

Олнгатсаллэ яснгал олган муй сирн питы зуй каншты ёх ропитсат... Интам вонты хатала, си ёх хос миллион тонна мув питы зуй ант тармас. Си верат, атма лэсятлэйт, коман волты кося ёхан, нув шенгк шимал вер си нефть па газ каншты тахи пела воллат, интам тайты мувеван нефтев та мрал па топ нял ола, шенгк ар малат па хон пелак мунг мув кося ёх лув, па латы уг ант тайлат.

Пелатты па хон пелак ёх пурмасата, сырсыр утаг, мосал си вер нух лэсятты. Ин волты хатал государстваев ант пакал мунг мувев нефтян маты.

Мата нефть маты мосас 1993 слан, ин сятэн матлы там хатала. Хст верты тахи ёх хуся там мазум олшоп маран верат иси евтамат, сит иси тасл арсыр турасат, митраят, там хот верты тахи эвалт ар яма ропата воти ёх йнра манлат. Каншлат сит мась тахи хута сухапта рат вон вух, ин куш версат сыр сыр льготант иса ропитты ёха. А охлэн малас, верат хасьсат.

Ин ситы берум кооперативаган, сята ёх верлат хот омасты пурмасат, иси мосал войтты ям лотасты хоят. Вулэв манум 1987 сл, хута кат — холум пуш ар хот омасты ялас.

Буялан, мунг ин волты слэв.

Кешанг ол иса клы манал, там ай кертатай, шимла верса мис муй войхул тайты верат.

Сит иси шимал акатты

питлат мис йингк, па нюхи, ар ай кертан вевтам тайты 600—800 мисан, сит эвалт холумты лэтуат мосал вон воша тоты. Сырсыр вератн мунг округев юхи ант хасял. Эн маллув вон онган войхул эвалт, па ай вой вонта.

Округев луваттыя па лотал топ 10—15 процента, сит шенгк шимал. Хульева там олшоп манум вер, ваналтал, талта ёх манлат. Ин там хаталн 20 сюрс места тайлув талты, па 80 сюрс хоят ропитты кеша ал елта юхтыялты ёх, манум слатан мунг тыв исат вон вух нёхалсат, ин иса тахетан, ии хурасуп, хута па куш ропитта.

Бенгаллн, хутыса вевтама мансат верат, месл така вуянтты кашинг вера, лолн поступсылув волупсыя ат питсат.

С. Молданов, мунг корп.

РСФСР ВЕРХОВНОЙ СОВЕТА, РСФСР ПРЕЗИДЕНТА ЕЛЬЦИН Б. Н.

Я С А Н Г

МИР ДЕПУТАТАТ СОВЕТАТ УХ ЁХ, ИСПОЛНИТЕЛЬНОЙ КОМИТЕТАТ КОСЯЙТ, УВАС МУВ АЙ МИРАТ АВТОНОМНОЙ ОКРУГАТ АССОЦИАЦИЯЙТ ЭВАЛТ.

1. Мунг, мир депутатат Советат, исполкомат па автономной округат ай мират ассоциация ух ёх така катлассув Россия Парламент па Президент тоты верата, мунгева мостал, хутыса нын вуратлаты РСФСР суверинет — юкан па оса сира волты сир холумты пата, арсыр яснгул мирев лохсанга па тунгсиранга волты пата.

2. Мунг лангхалув, лолн Российской Советской Федеративной Социалистической Республикн волты мир йи яха волты вер ат такамас, топ там артан хулна кашинг мир ант тайл юкан волупсы, кашинг мир хулна анта питл косяя лув волупсэл охтыин.

Мунг лангхалув, лолн холумты юкан волупсы кашинг мира.

3. 30-мит олатн верум национальной (автономной) округат лывела постылум верлал версаллал, топ интам лыв ант вератлат лыв мувелн волты мирлал волупсы лавалты па атам верат эвалт воньльси.

4. Увас мув, Сибирь па Дальней Восток ай мират волупсыя ар атам вер юхтас си вуранган, сирн мунг юхи хасьман воллув волупсы иса суртатн, экономикайн, мув—ават лавалты верн.

5. Мунг ям нумасн вана вусэв си вер, хон Россия Парламент итох мир волты муватн керся алмасат лутлал.

Си верат эвалт мунг шуваласув ям сохум оса па юкан волупсы пела, хон кашинг сыр мир питл тайты йи лут.

6. Топ шоканг па так ясанг китлув, хон итох мир волупсы карасын вол, а автономной округат нэмалтыя ант тайлайт, сит эвалт рахал лупты РСФСР Верховной Совет ант номасл там верат ту-

нгматты, ант вератл Увас мув ай мират волупсы нух алумты.

Мунг вуратлув, лолн Увас мув, Сибирь, Дальней Восток ай мират йи лута паватты иса ар яснгул па мир пила. Хон вонта шокатлаюв, хон мунг сир холумты пата, арсыр яснгул мирев лохсанга па тунгсиранга волты пата.

Мунг сиревн тамиты: РСФСР Федеративной Путремупсы ханштыин Федерация субъекта лунгатты автономной округат.

1991 олн сусн питты Россия Парламент мирхотн вуты лэсятум РСФСР мират автономия» оланган лэсятум законат ямкема нух алмасат лолн национальной автономия сират.

Ол парты вонта волупсыя питлат ки РСФСР Законат «РСФСР ай мират оланган», «Шуши ай мирт вонтыты, йингкхул каншты муват оланган», «Увас муватн ропитты ёх пата лэсятум верат оланган», сит эвалт си лолн ар ям питл.

Мосл нух вантты па лэсятты шуши мир волупсыя павтум конвенция сират па ситат посп верты поступсы.

Вохлэв РСФСР Президентэв верты Партупсы Увас, Сибирь па Дальней Восток мира тоты мосты араг лэтуат, пурмас, муват пата ат сухупталы тын вухн.

Эваллув, автономной округат вохты утат тунгматлайт РСФСР Верховной Советн, РСФСР Президентан.

Там яснгат версайт мир депутатат Советат, исполнительный комитетат па автономной округат ай мират ассоциация ух ёх мирхотн 1991 олн 25 июльн Анадырь вошн.

Чукотка мувн...

— Мин интам топ юхат суман Чукотка мув эвалт. Хуви куш исипа атэлта юхатсаюв нумасн, хойн, хон яха акатлаюв, муй «омалта», муй па «илта» симась ясанг юхатл!

Маттырн, си ясанг Чукотка мув ёх хуся волмал, — тамась яснгат олнгатсаллэ войтанупсэл газетантн, радивайн па телевиденияйн ропитты ёх пила, округ Совет кося лангкар нэ Л. А. Чистова. — РСФСР янг автономной округ эвалт вет округ ёх эсалсат ясанг юкан лут сира волты, кося вула павтасты округ Советата. Амтанг сира акумсув Анадырь вошн. Мосл лупты, топ вет округ эвалт юхатсат Советат ух ёх, па тахет эвалт сикух ёх вера лангхасат сив йиты, топ ант вератсат юхатты. Пантлал сив ерумсаг. Мин Владимир Михайлович санган, Ханты-Мансийска эвалт мансуман Москва мухты.

Ар ям нумас тосман янгхум мувеми эвалт, Лигман сёрс лух хуват па тотлясыюв, вантсум сёрс воят, вон хулат. Ина тасынгул мув Чукотка! Мирел па сит киньса сам хошманг па тасынгул, лыв ям ясанглал, нумаслал, вер-

лал мунг самлува пуштасьсат.

Мирхотэвн ар вер ант пирусув, рахал лупты нял вер мухалая путрев манас.

Мет сланган йи нумасн версув РСФСР Верховной Советата па РСФСР Президентата китты ясанг.

Кимитты. Ясанг манас автономной округат пата лэсятты Закон оланган.

Холмитты РСФСР мувн волты автономияйт пата лэсяттсув Ассоциация.

Нялмит верев вос си вуранган, лолн кутэвн алясты, хутыса кашинг округан Увас ай мират волупсы лэсятла па яма мла, мата округ хуся па хутыса си суртат охтыин ропитлат Советат.

Ар ханнэхо пила войтантыялсув, восув мир творчества Хотн, Чукотка мет ям тахетн. Яснгом еллы ат толлэ Владимир Михайловиченан, — ситы сухнуптаслэ яснгал Любовь Александровна.

— Войтантыялсув, путремасув шоп ар хоят пила. Ясанглув, путарлув, нумаслув ар верн йи сирн воллат. Вуялн, культура верат, ариты, якты ансамблят кутэвн китыялты, патасты, нётты нумасн, ясанган, верн.

Мосл лупты, ух тоты ёх шенгк ямат. Вуялн, Владимир Михайлович Етылен, лув Чукотской автономной округ Совет кося. Шенгк ар вер вол, вонтылас сыр сыр верата, экономика воллэ, советской, партийной, хозяйственной вератн па тос, ханнэхо пела шенгк саманг. Тотляслэ мунгат вулы тасят тайты ёх хуся. Тыныяг тахты па тос, мунг вантанн си вулы катлас.

Вулы тасятн ропитты ёхлал волупсы ямкем карась мунг ёхлув волупсы эвалт.

Вулы тайты ёх Чукоткайн воллат лунгман йи тахия, сирн муй верел ант артамал, муй суртэл ант тунгмалал, ситат иса йи йорн лэсятлаллал.

Там мирхотэвн иситы востат СССР Верховной Совет ёхат Айпин Е. Д., Пальчин Я. С., Эттэтырин М. С. па ёх, лыв иси нёсат верлув йи сира паватты, — тамиты си путремас В. М. Куриков.

Янгхум катнган самн вос шенгк ар амат, хув мар па ар вер оланган иньсайган журналистатн, лын иса юхлы ясанг тайсанган.

Т. Волдина.

ЕМАНГХАТЛ НИЖНИЙ НАРЫКАРЫ КОРТН

Там пуш хул катлы ёх емангхатл Октябрьской районуна верса Нижний Нарыкары куртан. Тый ёхатсат емангхатл верты арсыр ёх, якты, ёнты, арты ёх, сит Белоярской элты, Шеркалы курт, Октябрьской элты.

Емангхатл камн верты вутсисса, туп си хатл ертанг хатла пикмас, сирн мир акатсайт якты, ёнты хога.

Оланган мойнг ёха якты тахи мосл. Лыв нянян па солн шуши ёхи есялсайт. Белоярской ёх хуся уха вул С. И. Юхлымов, лув мира ястас, холся лыв ёхатсат, хой пил арты, ёнты, якты. Сялта нарсыох ёнты, якты ёх мойпыр як якты пйтсат.

Шенгк сама тайсайт С. И. Юхлымов па Е. А. Артемьева арат па якат.

Сикем си ванты умась вус там коллектив пель, лыв луматлимел туса ёнтум ханшанг сохи, сцена элты потарсат ханты ясанган, русь па ханты мирн си арат, потрат сама па ватсайт.

Лыв юелн якты па арты лольсат Октябрьской район ёх.

Ай няврэмат вулты коллектив «РЕНЕСАНС» верс централизованной юнт. Хота вусат йкигк хон нэнга, сята арисат, ёнты русь ёх «Серебряная нить» тата арилат пираль имет, лыв ясталат мунг арты хоти куш ант малажюв, мунг ситы си яха агтысилув, арилув во вошатн, куртанн ячгл.

Лыв юелн сцена маса лет ай ёха. Там няврэмат ёхатсат Шеркалы куртанты, сята оха вол М. А. Журавкова, лув директор Краеведческой музейн си

куртн вол. Си умся ванты якты, арты ханты няврэмат пела, туп шаль там няврэмат ант вуйлат лыв рут ясангал.

Кат сёс вантсат Нижний Нарыкары куртанг ёх як хот.

Си юпина вунэл — ай елн пасанат ара вуслат па ёнты па касты пйтсат, етанг оланга ай ёх якты пйтсат, Октябрьской эвалт юхтум няврэмат версат дискотека.

Туп си емангхаталн ант сасыбат арат, якат шуши куртанг ёх. Алла арилат ховатат, па яклат юреманслап, антулки кустилари ант партсайт якат верты. Муя па лыв самгал мира ям верты лангалат. Си пурейн якты юнты хотал колота тухарман ант вост, па няврэматн сята ишет па пормасат ант лугл шуматсайт.

М. Лапина.



ЭВИЕТ ЯКЛАТ

Шеркалы куртн рупитл музей. Хота акаггайт ханты ёх пормасат па аллилат арсыр мира. Куся нэнга си музейн рупитл аирайт нэ Мария Андреевна Журавкова.

Лув иса акатсаллэ ай эвет хут тэл элты па хулу-мхосьянг тал вунты. Там эвалт экскурсия музей куват верлат, ханты ёх пормасат олнган истаргат, сята арилат па яклат туристат пель. Шенгк омся яклат, арилат Юдина Мария Юдина, Оксана, Петухова Оксана, Пету-

хова Лена, Хуланхова Марина, Коржова Алёна.

Там ванан эвиет па Журавкова М. туристат пель Польша мув элты Сума воша янгат. Хул белпаса олнган тахалн янгхсат. Нижний Нарыкар курта якат па арты ми есялт саяллаты. Аршак тамась верат мунг ханты куртовн ат вулсат, еллы вулты пйтсат лонн иис потрат, номсат.

Там хонн яклат туристат Юдина Мария, Юдина Оксана, Юдина Катя.

М. Лапина.



Молдан ёх восат, холсат... Там хурн Е. П. Дыбина няврэмиевал, хилыел пила...

ЙИС ПУТАР

Йи икилэ вост. Вонта манал, лалат янгхал вонтыман. Юхи юхатал па лалат ол юлан вол.

Имультыйн венгл пела лупиял: «Манлуман кат хоятн вонтыты». Лэситыялсанган па си кат хоятн вонта мансанган вонтыты. Патлаты си пйтас. Рат верты тахи воятсанган, рат хар версанган. Шай каварман омасланган, ситы омастан са холлалан, мульты си увтал. Мув торатс.

Венг икен упал пела вантыял. Упал омасл, шай яньсаял, амолтыки ант холлаллэ. Увты упал иса вана си йил, муйкем уватал, си кем вана юхаттал сасыл. Венг икел шай яньси хон пакал — пакаман омсыял. Уп икел шай яньсаты етшас, нюки вейнгал ломтас, ай лаймал ёша вус, вонт пела увтас: «Хута нанг воллан, ма тата там, тыв юва». Лаюм монгхалан юх хатьяс. Иса увман, па юх лаюм

монгхан хатьсюман хува си пйтас. Муйкем уватал сикем хува питал. Йимультыйн ант сясыты си пйтас. Ратл хонанга юхатмалан венгал хулна шай анта яньсьмал.

— Нанг па сёхтыен шай анта аньсьсан!

— Тамась палтапан муй шай яньсаты йср юхатал, — венгал лупал. «Нанг волтанан палтап эвалт пала, муйкем лув тарум, нанг

си пела тарма вола. Венг икел ториман шай яньсаял, па си холматсанган.

Алангая еллы вонтыты мансанган. Пасы патлама. Рат верса, ратхарал хонанга шошас па уп икел нух вератсаллэ па лупас: «Ма хутась атум, ухем иса каши, мосанг юхи манлуман. Уп икел лупиял: манэма па атум, иси ухем каши. Я, юхи ки, юхи манлуман.

Юхи юхатман юпиян, или улсанган. Си улман

холум тылясь улсанган, топ си ёхатн нух вератсайнган. Си эвалт палтапан ислан вуюмат — си пата си вуюмтыялсайнган.

Нух пйтман юпиян ям хув воснган, нопат етшаты вонта.

Ефрем Яковлевич
ПОКАТИ,
Монсьяс

нэпека ханшсаллан
А. Лосямов па
С. Молданов.

Редактор М. ВОЛДИНА.